

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
**Zakonodavno - pravna komisija**

Broj: 02/2-02-1586/24  
Sarajevo, 18. 7. 2024. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno:		18-07-2024	
Org. jed.	Broj	Priloga	Vrijednost

Na osnovu člana 46. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Zakonodavno-pravna komisija Doma naroda Parlamenta Federacije Bosne i Hercegovine, na 9. sjednici održanoj 18. jula 2024. godine, razmatrala je:

1. Prijedlog zakona o izmjenama i dopunama Zakona o upravljanju otpadom – skraćeni postupak,
2. Prijedlog zakona o izmjenama i dopunama Zakona o materijalnoj podršci porodicama s djecom u Federaciji Bosne i Hercegovine – skraćeni postupak,
3. Nacrt zakona o socijalnim uslugama u Federaciji Bosne i Hercegovine,
4. Nacrt zakona o posredovanju u zapošljavanju i socijalnoj sigurnosti nezaposlenih osoba,i
5. Nacrt zakona o građanskoj inicijativi i zaštiti građana i aktivista Federacije Bosne i Hercegovine (predlagači: Sanela Klarić, delegatkinja u Domu naroda i Damir Nikšić, poslanik u Predstavničkom domu).

Na osnovu člana 51. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći

## IZVJEŠTAJ

### 1. Prijedlog zakona o izmjenama i dopunama Zakona o upravljanju otpadom – skraćeni postupak

Ustavni osnov za donošenje Zakona o izmjenama i dopunama zakona o upravljanju otpadom sadržan je u odredbama člana IV.B.7. a) (IV) Ustava Federacije Bosne i Hercegovine.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

## ZAKLJUČAK

Komisija je u općem pretresu utvrdila da postoji ustavni osnov i nema primjedbi na Prijedlog zakona o izmjenama i dopunama Zakona o upravljanju otpadom – skraćeni postupak, te predlaže Domu naroda da naprijed pomenuti Prijedlog zakona razmotri u tekstu kako je i predložen.

### 2. Prijedlog zakona o izmjenama i dopunama Zakona o materijalnoj podršci porodicama s djecom u Federaciji Bosne i Hercegovine – skraćeni postupak

Ustavni osnov za donošenje ovoga zakona sadržan je u odredbama člana III. 2. e), a u vezi sa članom III. 3. (3) Ustava Federacije Bosne i Hercegovine, kojim je utvrđeno da federalna vlast ima pravo utvrđivati politiku i donositi zakone koji se tiču socijalne politike. Prema odredbama člana III.2. e) i člana III.3. (1) i (2) Ustava Federacije Bosne i Hercegovine, federalna vlast i kantoni su nadležni za socijalnu politiku. Tu nadležnost ostvaruju zajednički ili odvojeno, ili od strane kantona koordinisano od federalne vlasti. Prema odredbama člana IV. A.20. (1) d)

Ustava Federacije Bosne i Hercegovine, pored ostalih nadležnosti utvrđenih Ustavom, Parlament Federacije Bosne i Hercegovine nadležan je za donošenje zakona o vršenju funkcija federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

### **ZAKLJUČAK**

Komisija je u općem pretresu utvrdila da postoji ustavni osnov za donošenje zakona o izmjenama i dopunama Zakona o materijalnoj podršci porodicama s djecom u Federaciji Bosne i Hercegovine, ali da nisu ispunjeni uslovi iz člana 164. Poslovnika o radu Doma naroda Parlamenta Federacije Bosne i Hercegovine kojim je propisana procedura za donošenje zakona po skraćenom postupku, te predlaže Domu naroda da ovu tačku dnevnog reda razmatra u formi nacrt.

### **3. Nacrt zakona o socijalnim uslugama u Federaciji Bosne i Hercegovine**

Ustavni osnov za donošenje zakona o socijalnim uslugama u Federaciji Bosne i Hercegovine sadržan je u odredbama člana III. 2. e), u vezi sa članom III. 3. (3) Ustava Federacije BiH, kojima je utvrđeno da federalna vlast ima pravo utvrđivati politiku i donositi zakone koji se tiču socijalne politike. Prema odredbama člana II. 2. e) i člana III. 2. e) i člana III. 3. (1) i (2) Ustava Federacije BiH, federalna vlast i kantoni su nadležni za socijalnu politiku pri čemu predmetnu nadležnost ostvaruju zajednički ili odvojeno, ili od strane kantona koordinisano od federalne vlasti. U pogledu ovih nadležnosti kantoni i federalna vlast dogovaraju se na trajnoj osnovi.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

### **ZAKLJUČAK**

Komisija je u općem pretresu utvrdila da postoji ustavni osnov i da Nacrt zakona o socijalnim uslugama u Federaciji Bosne i Hercegovine može poslužiti kao osnov za izradu prijedloga zakona, te predlaže Domu naroda da naprijed pomenuti Nacrt zakona razmotri u tekstu kako je i predložen.

### **4. Nacrt zakona o posredovanju u zapošljavanju i socijalnoj sigurnosti nezaposlenih osoba**

Ustavni osnov za donošenje ovog zakona sadržan je u odredbi člana III. 2. e), a u vezi sa članom III.3 (3) Ustava Federacije Bosne i Hercegovine, kojim je utvrđeno da federalna vlast ima pravo utvrđivati politiku i donositi zakone koji se tiču socijalne politike, kao i člana IV. A.20. (1) d), kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

### **ZAKLJUČAK**

Komisija je u općem pretresu utvrdila da postoji ustavni osnov i da Nacrt zakona o posredovanju u zapošljavanju i socijalnoj sigurnosti nezaposlenih osoba može poslužiti kao osnov za izradu prijedloga zakona, te predlaže Domu naroda da naprijed pomenuti Nacrt zakona razmotri u tekstu kako je i predložen.

**5. Nacrt zakona o građanskoj inicijativi i zaštiti građana i aktivista Federacije Bosne i Hercegovine (predlagači: Sanela Klarić, delegatkinja u Domu naroda i Damir Nikšić, poslanik u Predstavničkom domu)**

Nakon uvodnog izlaganja vođena je rasprava o ovoj tački dnevnog reda u kojoj su učestvovali članovi Komisije, te usvojili sljedeći

**ZAKLJUČAK**

Komisija je u općem pretresu utvrdila da Nacrt zakona o građanskoj inicijativi i zaštiti građana i aktivista Federacije Bosne i Hercegovine (predlagači: Sanela Klarić, delegatkinja u Domu naroda i Damir Nikšić, poslanik u Predstavničkom domu) nije u skladu sa Ustavom Federacije Bosne i Hercegovine i pravnim sistemom, te predlaže Domu naroda da postupi u skladu sa članom 161. Poslovnika o radu Doma naroda Parlamenta Federacije Bosne i Hercegovine.

Članom 50. stav 2. Poslovnika o radu Doma naroda Parlamenta Federacije Bosne i Hercegovine propisano je da ako predlagač ne uputi svog predstavnika na sjednicu radnog tijela na koju je pozvan, radno tijelo neće razmatrati to pitanje i o tome će obavijestiti Dom naroda i predlagača, te u skladu s tim Komisija nije razmatrala Prijedlog zakona o gradu Novi Travnik - skraćeni postupak, Nacrt zakona o izmjenama i dopunama Zakona o vraćanju, dodjeli i prodaji stanova i Nacrt zakona o zaštiti prava na pravično suđenje u razumnom roku zbog izostanka predstavnika predlagača.



**PREDSJEDNIK KOMISIJE**

Haris Zahiragić, s.r.